

Nuvembri

Quandi a sera, casticatu
Ti trovi ind'a to'stanza,
Essendu disoccupatu
Bench'un manchi di crianza.

À l'abbughjà di a to vita
Voli piantà li to passi.
À l'abbughjà di a to vita
Voli piantà li to passi.
Voli piantà li to passi.

Quandi ai travaddatu
Tanti mani è tanti seri
Per un essa cunfurtatu
Cà dà prumessa è prigheri.

À l'abbughjà di a to vita
Voli piantà li to passi.
À l'abbughjà di a to vita
Voli piantà li to passi.
Voli piantà li to passi.

Quandi tali un pelegrinu
Chì viaghja à l'arritrosa,
Sbucchi nant'à un caminu
Duv'è vatta a morti estrosa.

À l'abbughjà di a to vita
Voli piantà li to passi.
À l'abbughjà di a to vita
Voli piantà li to passi.
Voli piantà li to passi.

Mà pianta puru sti pienti
Ti vèneni à u succorsu
Tanti frateddi ardenti

Di difenda u nomu corsu.

À l'albori di a to vita
Viaghja à passi sicuri,

À l'albori di a to vita
Viaghja à passi sicuri,

Di difenda u nomu corsu.